

Te kaupapa o Inspiring the Future

I MURI

Aratohu mā te kaiako

I hangaia tēnei tūmahi hei mahi mā koutou ko āu ākonga i mua i te tūtanga o te kaupapa Inspiring the Future.

Te tikanga he tino āwhina tēnei tūmahi mō te kaupapa Inspiring the Future

Mā tēnei tūmahi e whakapakari ake te kaupapa ki ngā hinengaro o ngā ākonga me ngā akoranga kua tau mai. He whakahau hoki i ngā ākonga kia mōhio ai rātou mō ētahi atu mahi.

Te hāngai ki te marautanga

Ngā uara

Te tūhura me te pākiki, te rerekē, te oritenga, te hapori me te whakauru, te whakaute, te mana, te auahatanga

Ngā āheinga

Te whakaaro, te whakamahi reo, te whanaungatanga, te whakauru me te takoha, te whakahaere i a koe anō

Ngā wāhanga ako

Ngā Toi, Te Reo Māori, Tikanga ā-Iwi, Hangarau

He akoranga pakirehua, akoranga whaiaro hoki.

Ngā tohutohu

Ko tēnei tūmahi he waihanga anō i te kaupapa Inspiring the Future ki te akomanga, ka noho ko ētahi o ngā ākonga hei tangata taurira mahi.

1. Whakarōpūhia ngā ākonga, ka pātai ki ia rōpū kia tohua he mahi (māu tonu e whakawhāiti ki ngā mahi o te hapori), māu tonu rānei e tohu i te mahi. Me noho huna te mahi mai i ētahi atu o ngā rōpū.
2. Ka noho ia rōpū (ka tohu kaikōrero rānei te rōpū) hei taurira mahi e mahi ana i taua mahi.
3. Kei a koe te tikanga mēnā ka iti, ka nui rānei te wā rangahau i taua mahi mō ia rōpū. Ākinahia ngā ākonga ki te mau i ngā kākahu ka mau pea i taua tangata ki tōna momo mahi, te whakamahi rānei i ētahi taputapu e hāngai ana.
4. Ka noho te akomanga ki te whakaaro he aha rawa te mahi e whakaatu mai ana, mā te tuku i te rārangi pātai 20 o Inspiring the Future.
5. Ina mōhiotia ana te mahi, ka noho te rōpū ki te whakaputa i ngā kōrero e pā ana ki taua mahi ki te akomanga.

Ko tētahi atu putanga o te tūmahi nei he tākaro whakatautau. Tohua he ākonga ki te tū ki te whakatautau ā-ringa noa nei i te mahi kua tohua. Kua noho te akomanga ki te whakaaro he aha rawa te mahi.

Me uru mai pea ngā whānau/kaitiaki? Me mahi kiriata o te tūmahi nei ka rau ki tētahi taputapu whakawhiti kōrero, pērā i tētahi taupānga.